

Thuto ya Unisa e matlafatša baithuti bao ba phelago ka bogolofadi ka masolo a kgotlelelo le a thekgo

Yunibesithi ya Afrika Borwa (Unisa) e sa tšwa go swara thuto ya matšatši a mabedi yeo maikemišetšo e be ele matlafatša kgotlelelo le go kaonafatša go swarelela baithuti bao ba phelago ka bogolofadi ka gare ga setheo. Thuto ye, yeo e swerwego ka la 23 le 24 Moranang 2026 Khamphaseng ya Sunnyside ka Pretoria le inthaneteng ka Microsoft Teams, e bile karolo ya boikgafo bjo bo tšwelago pele bja yunibesithi bja thuto ye e akaretšago bohle le katlego ya baithuti.

E swaretšwe ka fase ga morero wa “Go kaonafatša go kgotlelelo le go hlatloša go swarelelwa ga baithuti bao ba phelago ka bogolofadi (SwD) ka Unisa”, thuto ye e kopantše baithuti, bahlankedi ba yunibesithi le bašomi ba thekgo go ahlaahla ditlhoaho tšeo di amago baithuti bao ba phelago ka bogolofadi le ditshepedišo tša thekgo tšeo di lego gona.

Tiragalo ye, yeo e rulagantšwego ke Moprofesara Dikeledi Mahlo go tšwa Kgorong ya Thuto ye e Akaretšago Bohle ka Kholetšheng ya Thuto, e be e diretšwe go godiša temošo ka ga ditokelo, menyetla le thekgo ya setheo yeo e lego gona go baithuti bao ba phelago ka bogolofadi, mola gape e hlatloša katlego ya bona ya dithuto le go swarelelwa ga bona ga nako ye telele yunibesithing.

Lenaneo le thomile ka polelo ya kamogelo ya Molaodi wa Monaoswere wa Selete Ngaka Smangele Ntuli, gomme a latelwa ke tlhagišo go tšwa go Moprofesara Mahlo, yo a hlalošitšego morero wa protšeke ye le go tlišetša gape boikgafo bja yunibesithi go thuto ye e akaretšago bohle. Dipoledišano go ralala le thuto ye di be di nepišitše kudu go fa baithuti didirišwa tše di šomago le tsebo ya go sepetša bophelo bja yunibesithi ka katlego.

Dithulaganyo tše bohlokwa letšatšing la mathomo di be di akaretša ditlhagišo ka ga tema yeo e kgathwago ke Senthara ya Boboleledi le Methopo ya Baithuti bao ba Phelago ka Bogolofadi (ARCSWiD) le mananeo a boeletši ka Bheki Nxumalo; thuto ka go kgonago šomiša ditšhelete le thekgo ya NSFAS ka Helen Moraka; go sepelasepela le tlwaetšo ke Mohumagadi G Mngadi; le bophelo bjo bobotse bja monagano le bophelo bjo bobotse ka Fhatuwani Makahane. Batšeakarolo ba ile ba fiwa gape menyetla ya go bolela ka dithuto tša dipotšišo le dikarabo.

Letšatši la bobedi le be le nepišitše go hlabologo ya tša thuto le ya motho ka noši. Dihlogo di be di akaretša sešeme ya taolo ya go ithuta (LMS), bokgoni bja go ithuta le



go lokišetša ditlhahlobo, bokgoni bja poledišano le go lokišetša CV. Dithuto tše di be di na le maikemišetšo a go matlafatša baithuti ka maano a tirišo go kaonafatša boitemogelo bja bona bja go ithuta le go thwalwa ka moso.

Lenaneo la thuto le be le laolwa ke Ngaka Tony Matjila le Mampe Phora, ka ditirelo tša tlhathollo ya polelo ya diatla tše di filwego ke Sophy Mabaso go netefatša phihlelelo le go akaretša bohle go batšeakarolo ka moka.

Ge ba bolela ka bohlokwa bja lesolo, barulaganyi ba gateletše gore lenaneo la thuto ye e akaretšago bohle le tsepame go tekatekano le katlego ya baithuti ka moka. Ba tšweleditše gape bohlokwa bja go netefatša gore baithuti ba kwešiša dipholisi le ditshepedišo tša setheo tše di hlamilwego go šireletša le go hlatloša ditokelo tša baithuti ba go phelago ka bogolofadi.

Thuto ye e bopa karolo ya protšeke ye e tšwelago pele yeo e thomilego ka 2024 gape e ka tšwela pele mo mengwageng ye e tlogo, go ya ka thekgo ya ditšhelete ye e swarelelago go tšwa go Kgoro ya Thuto ya Godimo le Tlhahlo (DHET). Barulaganyi ba bontšhitše gape gore mananeo a boeletši a tla lekwa nakong ya semesetara sa bobedi go thekga baithuti go ya pele le go kaonafatša dipelo tša go swarelela.

Ka masolo a go swana le a, Unisa e tšwela pele go tiišetša boikgafo bja yona bja go aga tikologo ya go ithuta ye e akaretšago bohle moo baithuti ka moka ba maatlafatšwago go atlega dithutong le ka noši.

** E rometšwe ke Lungisani Nzuzo Mbatha, Motho yo a lthutelago Mošomo: Yuniti ya Dikgokagano le Papatšo.*

